

7457 litteris magnis. Cefalù in ecclesia cathedrali, ubi sellae episcopi latus dextrum hoc saxum efficit; maior pars inscriptionis cum ita lateat, mea causa effecerunt amici, ut lapis reiectus lumine admoto legi posset.

EXEMPLVM · CODICILLORVM ·
 HAVE · MIHI · DOMINE · PATER ·
 VALE · MIHI · DOMINE · PATER ·
 CVM · AD · TE · HAEC · DICAREM · INFELICIS
 5 SIMVM · TE · AESTIMAVI · VT · ERAS · CVM · ME ·
 HOC MITTERES PETO VT · MONVMNTVM
 MIHI · FACIAS · DIGNVM · IVVENTVTI · MEAE
 A TE PETO EUTYCHIANVM ALVMNVM
 MEVM · MANVMITTAS · VINDICTAQUE
 10 LIBERES · ITEM · APRILEM SERVVM · MEVM
 QVI SOLVS EX MINISTERIO MEO SVPERAVIT
 sic SCRIPSIT XV · KAL · APRIL SIRMI
 L · CALPVNRIO PISONE P SALVIO IVLIANO COS p. C. 175

Recognovi. Principium dederunt cum Auria cod. bibl. civ. Panorm. Qq D 166 et *origine di Cefalù* (1656) p. 39 (inde per Mongitorium et Comum Mur. 493, 13; per Mongitorium Dorville Sic. p. 587) tum Torremuzza XX, 22 = 20 et ex Auria et ex lapide quem vidi et excrispsit 21 Apr. 1766. Hic cur inter falsas posuerit, ipse opinor nescivit. Retecto marmore totam edidit Angelus Gallo *giornale delle scienze per la Sicilia* 14 (1826) p. 216, ubi p. 248 marchio Haus restituit. Inde Orelli 4359.

Exemplum codicillorum. *Have mihi, domine pater; vale mihi, domine pater. Cum ad te haec dictarem, infelicissimum te aestimavi, ut eras, cum me hoc mitteres. Peto, ut monumentum mihi facias dignum iuventuti meae. A te peto Eutychianum alnum meum manumittas vindictaque liberes; item Aprilem servum meum, qui solus ex ministerio meo superavit. Scripsit XV kal. April. Sirmi L. Calpurnio Pisone P. Salvio Iuliano cos.*

XXIV. HALAES (Castel Tusa).

(Cf. C. I. Gr. 5594—5600 cum add. p. 1250.)

'Αλαισα¹⁾ Ἀρχωνίδειος (sic pleno nomine Diodorus 14, 16, ubi id interpretatur, item nummi inscripti ΑΛΑΙΣΑ ΑΡΧ), Latine *Halaesa Archonida* (sic nummus ineditus musei Berolinensis, ab una parte habens caput Augusti cum adscriptione HALAISA (sic) ARCHONIDA, ab altera inscriptum M·PACCIVS MACXV²⁾ FLAME AVG, ut AVG vocabulum in medio nummo legatur corona circumdata; item nummi catal. mus. Brit. numm. Sicil. p. 28 n. 15—17 inscripti *Halaesa Arc. et Hal. Arc.*), plerumque sine cognomine (Cicero Verr. 1. 2, 75, 185. 3, 73; Diodorus 23, 4; Silius 14, 218; Ptolemaeus 3, 4, 3; Peutinger.; Άλαισα

plur. neutr., si lectio vera est, Strabo 6, 2, 3 p. 266. 6, 2, 5 p. 272; haleso male itin. Ant. p. 92), ethnicum faciens *Halaesinus* (Cicero passim) ubi fuerit praeter itineraria docuit titulus C. I. Gr. n. 5595 a populo τῶν Άλαιστνων dedicatus repertus ad S. Mariae de Palatio prope Tusam. Haec ut prima civitas fuit, quae bello Punico primo Romanis se permetteret (Diodorus 23, 4), ita propterea ab iis libertatem et immunitatem abstulit (Diodorus 14, 16; Cicero Verr. 3, 6, 13); floruisse eam ante imperatoriam aetatem commercio praeter auctores titulus quoque n. 7459 testatur unicus qui nobis remanserit aetate liberae rei publicae ab Italicis in Sicilia dedicatus in honorem praetoris Romani. Municipium factum est imperante Augusto teste titulo n. 7458, scilicet cum Siculi omnes ad civitatem Romanam pervenerunt; duoviros praefuisse nummus ostendit (cat. mus. Brit. Sicil. p. 28 n. 16) inscriptus *Hal. Ar.*) (Caec. R. IIvir. Postea elanguit, apud Plinium 3, 8, 91 inter vulgares reiecta et πολύτυπον dicta Straboni.

1) Aspirationis in Graeco nomine certa testimonia non repperi potuitque ea addi a Latinis ut in *Herucinus*, *Helpis*. Diphthongum editiones tam Graecorum quam Latinorum scriptorum passim in e commutarunt, numquam in ea peccant tituli nummique.

2) Sic nummus; *Macxu(mus)* scribitur, ut non raro, quamquam vix in titulis huius aetatis, legitur *uxor*.

7458 ad S. Mariae de Palatio GVALT. — Sine loco AVGST.; Thermis MVR. errore.

IMP ▲ CAESAREI ▲
 DIVI ▲ F ▲
 AVGSTO ▲ P ▲ P
 MVNICIPIVM ▲

Ant. Augustinus cod. Matr. f. 29; Gualterus n. 139 = 299 (inde Mur. 220, 6; Torremuzza *storia di Alessa* 1753 p. 72. 149, Sic. IV, 1), qui in ed. 1 videtur dedisse ex schedis Augustini similibus, in ed. 2 ex lapide. Quod ait idem Torremuzza diss. *sopra una statua scoverta in Alessa* (1749) p. 24 et *storia di Alessa* (1753) p. 149: 'vedeasi in un grande intaglio di marmo ne' tempi andati fra le rovine di Alessa scritto a grosse lettere: MVNICIPIVM ALAESINV' venit sine dubio ex narrationibus eorum qui lapidem vidissent memoriter traditis.

3 AVGSTO▲PO Aug. et Gualt. ed. 1, AVGSTO▲PO.. Gualt. ed. 2.